



Inatsisartunut ilaasortaq,
Justus Hansen, Demokraatit

§ 37 apeqqummut nr. 042-2020-imut akissuteqaat.

Asasara Justus Hansen.

Inatsisartut Suleriaasianni § 37, imm. 1 naapertorlugu Naalakkersuisunut makkuninnga apeqquteqarputit. Apeqqutitit uannut akineqartussanngortillugit innersuunneqarput.

Naalakkersuisunut apeqqutit:

Apeqqut 1. Timip pisataanik tunniussinnermi (organdonation) sulingiffeqarnermi aningaasanik annaasaqarnermut tunngatillugu nunatsinni inatsisit qanoq ippat?

Akissuteqaat:

Timip pisataanik ikkussivigineqarluni pilatsinnerit tamangajammik Danmarkimi ingerlanneqartarput.

Kalaallit Nunaanni Peqqinnissaqarfiup taamaallaat akilertarpei timip pisataanik ikkussivigitinnermut aningaasartuutit nalinginnaasut, napparsimasunut kalaallinut tamanut angalanermut, angallassinermut, najugaqarnermut nerisaqarnermullu atatillugu atuuttut.

Kalaallit Nunaanni najugaqartoq innuttaasumut Danmarkimi najugalimmut timip pisataanik tunniussisoq, tamatumunngalu atatillugu sulisinnaanngitsoq, sulingiffeqarnermini aningaasanik annaasaminik taarsiivigineqassaaq, danskit tamatumani maleruagassaat naapertolugit.

Innuttaasumut Kalaallit Nunaanni najugalimmut timip pisataanik tunniussisoq, tamatumunngalu atatillugu sulisinnaanngitsoq, napparsimasutulli allatut pissutsit naapertolugit atugaqartinneqassaaq.

Tamatuma kinguneranik sulisartoq aalajangersimasumik atorfilik napparsimalluni sulisinnaannginnermini tunngaviumik akissarsisassaaq.

Suliffeerunnermut ikiorsiissutit pillugit malittarisassanit ersersinneqarportaaq suliffeerunnermut ikiorsiissutit sulinermik inuussutissarsiutilinnut tunniunneqartartut nammineq pisuussutiginnagu suliffeerunneq, angerlartinneqarneq imaluunniit napparsimaneq pissutigalugit isertitanik annaasaqarnermut taarsiissutit. Tamanna pillugu maleruagassat Suliffeerunnermut ikiorsiissutit pillugit Inatsisartut inatsisaanni nr. 2-mi 15. maj 2014-imeersumi¹ takuneqarsinnaapput.

06-03-2020
Sags nr. 2020 - 4010
Akt nr. 13205154

Postboks 1160
Tlf: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

¹<http://lovgivning.gl/Lov?rid={E9B5FBCE-3147-45C3-A52F-02AA7A2BE3CC}>

Inuussutissarsiornermut, Suliffeqarnermut, Niuernermut Nukissiuteqarnermullu Naalackersuisoqarfiup ilanngullugu ilisimatitsissutigaa innuttaasoq, suliffeerunnermut ikorsiissutitik pisinnaatitaasoqartillugu, suliffeerunnermut ikorsiissutitik sap. akunneri 13-it angullugit pisinnaasoq, aamma napparsimaneq pissutigalugu sulinngiffeqarnermut atatillugu.

Namminersortutut inuussutissarsiummik ingerlatsisoq suliffeerunnermut ikorsiissutitik pissarsiaqarsinnaangilaq.

Apeqqu 2: Timip atortuanik tunniussinermit (organdonation) sulinngiffeqarnermi aningaasanik annaasaqartarnermut atatillugu ikorsiisarnissaq nunani allani naalackersuisut nunat killeqarfii akimorlugit qanoq suleqatigineqarpat?

Akissuteqaat:

Timip pisataanik tunniussinermit atatillugu sulinngiffeqarnermi aningaasanik annaasaqarnermut tunngatillugu Kalaallit Nunaanni Peqqinnissaqarfik aaqquissuussaasumik suleqatigiinnermut peqataangilaq.

Apeqqu 3. Ilumoorsinnaava Namminersornerullutik oqartussat tunniussisumit soorlu Danmarkimeersumit sulinngiffeqarnermi aningaasanik annaasaqartarneranut tapeerusungitsut, taamaassimappallu inatsisitigut suna tunngavigineqarpa sunalu pequtaava?

Akissuteqaat:

Apeqqu 1-imut akissuteqaat inussiarnersumik innersuussutigineqassaaq.

Apeqqu 4. Suliamut allanik soqutiginaatilinnik paasissutissaqarpat ersarisaaqquneqarput.

Akissuteqaat:

Soqanngilaq.

Inussiarnersumik inuulluaqqusillunga
Med venlig hilsen


Martha Abelsen